

საქმე №330210115001056103



საქართველოს უზენაესი სასამართლო  
დიდი პალატა

გ ა დ ა წ ყ ვ ე ტ ი ლ ე ბ ა  
საქართველოს სახელით

ს ა რ ე ზ ო ლ უ ც ი ო ნ ა წ ი ლ ი

საქმე №ას-664-635-2016

ას-664-635-2016 ყარამანიშვილი

2 მარტი, 2017 წელი,  
ქ. თბილისი

საქართველოს უზენაესი სასამართლოს  
დიდი პალატის შემადგენლობა:

ნინო გვენეტაძე (თავმჯდომარე)

მზია თოდუა

ვასილ როინიშვილი

ეკატერინე გასიტაშვილი (მომხსენებელი)

პაატა ქათამაძე

ბესარიონ ალაფიძე

მაია ვაჩაძე

ზურაბ ძლიერიშვილი

გიორგი შავლიაშვილი

## საქმის განხილვის ფორმა - ზეპირი განხილვის გარეშე

კასატორები - ლევან ყარამანიშვილი, გიორგი ყარამანიშვილი, შპს "ტელეკომპანია საქართველო", ნინო ნიჟარაძე, შპს "ჰაიდელბერგცემენტ ჯორჯია" (მოპასუხეები)

მოწინააღმდეგე მხარეები - ქიბარ ხალვაში, შპს „პანორამა“ (მოსარჩელები)

ლევან ყარამანიშვილის, გიორგი ყარამანიშვილისა და შპს "ტელეკომპანია საქართველოს" მიერ გასაჩივრებული განჩინებები:

I. თბილისის სააპელაციო სასამართლოს სამოქალაქო საქმეთა პალატის 2016 წლის 10 ივნისის განჩინება და

II. თბილისის სააპელაციო სასამართლოს მიერ მიღებული განკარგულებები (საოქმო განჩინებები):

1. 2016 წლის 13 მაისის სხდომაზე ნიკა გვარამიას 500 ლარით დაჯარიმების შესახებ (2016 წლის 13 მაისის სხდომის ოქმი, აუდიო ფაილი, 010, 30:25-ზე);
2. 2016 წლის 3 ივნისის სხდომაზე თამთა მურადაშვილის 300 ლარით დაჯარიმების შესახებ (2016 წლის 3 ივნისის სხდომის აუდიო ოქმი, ფაილი 001, 29:02-ზე);
3. 2016 წლის 3 ივნისის სხდომაზე დიმიტრი ძაგნიძის 100 ლარით დაჯარიმების შესახებ (2016 წლის 3 ივნისის სხდომის აუდიო ოქმი, ფაილი 001, 32:24-ზე);
4. 2016 წლის 3 ივნისის სხდომაზე დიმიტრი სამაგლიშვილის 500 ლარით დაჯარიმების შესახებ (2016 წლის 3 ივნისის სხდომის ოქმი, აუდიო ფაილი 005, 02:51-ზე);
5. 2016 წლის 7 ივნისის სხდომაზე ზაზა ბიბილაშვილის 500 ლარით დაჯარიმების შესახებ (2016 წლის 7 ივნისის სხდომის ოქმი, აუდიო ფაილი 000, 17:50-ზე);
6. 2016 წლის 7 ივნისის სხდომაზე დიმიტრი ძაგნიძის 500 ლარით დაჯარიმების შესახებ (2016 წლის 7 ივნისის სხდომის ოქმი, აუდიო ფაილი 000, 24:25-ზე);

III. თბილისის სააპელაციო სასამართლოს მიერ მიღებული საოქმო განჩინებები, რომლითაც არ დაკმაყოფილდა შუამდგომლობები პროცესზე მხარეთა დაშვების თაობაზე:

1. 2016 წლის 3 ივნისის სხდომაზე ნიკა გვარამიას დაშვების შესახებ შუამდგომლობის მოხსნის თაობაზე (2016 წლის 3 ივნისის სხდომის ოქმი, აუდიო ფაილი 000, 10:30-ზე);

2. 2016 წლის 7 ივნისის სხდომაზე მხარის წარმომადგენლების: თამთა მურადაშვილის, ნიკა გვარამიას, დიმიტრი საძაგლიშვილის დაშვების შუამდგომლობის არ დაკმაყოფილების შესახებ (2016 წლის 7 ივნისის სხდომის ოქმი, აუდიო ფაილი 000, 08:05-ზე);

IV. თბილისის სააპელაციო სასამართლოს მიერ მიღებული საოქმო განჩინებები:

1. 2016 წლის 31 მაისს სხდომის დარბაზიდან ნიკა გვარამიას გაძევების შესახებ (2016 წლის 31 მაისის სხდომის ოქმი, აუდიო ფაილი 010, 09:08-ზე);
2. 2016 წლის 3 ივნისს სხდომის დარბაზიდან თამთა მურადაშვილის გაძევების შესახებ (2016 წლის 3 ივნისის სხდომის ოქმი, აუდიო ფაილი 005, 7:50-ზე);
3. 2016 წლის 3 ივნისს სხდომის დარბაზიდან დიმიტრი საძაგლიშვილის გაძევების შესახებ (2016 წლის 3 ივნისის სხდომის ოქმი, ფაილი 005, 11:10-ზე)

V. თბილისის სააპელაციო სასამართლოს მიერ გამოტანილი განჩინებები, რომლითაც არ დაკმაყოფილდა შუამდგომლობები, კერძოდ:

1. 2016 წლის 27 აპრილის განჩინება, რომლითაც არ დაკმაყოფილდა შუამდგომლობა საქმის განმხილველი მოსამართლის, ნათია გუჯაბიძის აცილების თაობაზე (ტომი 7, ს.ფ. 385);
2. 2016 წლის 13 მაისის განჩინება, რომლითაც არ დაკმაყოფილდა მოწინააღმდეგე მხარის წარმომადგენლის, ნიკა გვარამიას შუამდგომლობა სხდომის თავმჯდომარის აცილების შესახებ (2016 წლის 13 მაისის სხდომის ოქმი, აუდიო ფაილი 025, 0:11-ზე);
3. 2016 წლის 30 მაისის განჩინება, რომლითაც არ დაკმაყოფილდა შუამდგომლობა საქმის განმხილველი კოლეგიის მთელი შემადგენლობის აცილების თაობაზე (ტომი 7, ს.ფ. 477(1));
4. 2016 წლის 30 მაისის განჩინება, რომლითაც არ დაკმაყოფილდა ნიკა გვარამიას შუამდგომლობა კოლეგიის თავმჯდომარის აცილების თაობაზე (2016 წლის-30 მაისის სხდომის ოქმი, აუდიო ფაილი 037, 0:10-ზე);
5. 2016 წლის 30 მაისის განჩინება, რომლითაც არ დაკმაყოფილდა ნიკა გვარამიას შუამდგომლობა მოწმეთა დაკითხვის თაობაზე (2016 წლის 30 მაისის სხდომის ოქმი, აუდიო ფაილი 055, 0:01-ზე);
6. 2016 წლის 7 ივნისის განჩინება, რომლითაც მოიხსნა შუამდგომლობა მოსამართლე ნათია გუჯაბიძის აცილების შესახებ (2016 წლის 7 ივნისის სხდომის ოქმი, აუდიო ფაილი 000, 22:35-ზე);
7. 2016 წლის 10 ივნისის განჩინება, რომლითაც განუხილველად დარჩა შუამდგომლობა მოსამართლე შორენა ყაველაშვილის აცილების შესახებ (2016 წლის 10 ივნისის სხდომის ოქმი, აუდიო ფაილი 000, 1:10-ზე).

ნინო ნიჟარაძისა და შპს "ჰაიდელბერგცემენტ ჯორჯიას" მიერ გასაჩივრებული განჩინება - თბილისის სააპელაციო სასამართლოს სამოქალაქო საქმეთა პალატის 2016 წლის 10 ივნისის განჩინება

ლევან ყარამანიშვილის, გიორგი ყარამანიშვილისა და შპს "ტელეკომპანია საქართველოს" მოთხოვნა – გასაჩივრებული განჩინების სრულად გაუქმება და საქმის დაბრუნება სააპელაციო სასამართლოში ხელახლა განსახილველად

ნინო ნიჟარაძის მოთხოვნა - გაუქმდეს თბილისის სააპელაციო სასამართლოს 2016 წლის 10 ივნისის განჩინება სრულად და უარი ეთქვას პირვანდელ მოსარჩელებს - ქიბარ ხალვაშსა და შპს „პანორამას“ სარჩელის დაკმაყოფილებაზე

შპს "ჰაიდელბერგცემენტ ჯორჯიას" მოთხოვნა - გასაჩივრებული განჩინების ნაწილობრივ გაუქმება და, ახალი გადაწყვეტილების მიღებით, შპს "ჰაიდელბერგცემენტ ჯორჯიას" მიმართ ქიბარ ხალვაშის სასარჩელო მოთხოვნის დაკმაყოფილებაზე მთლიანად უარის თქმა

დავის საგანი – ინტელექტუალური საკუთრება, საავტორო და მომიჯნავე უფლების რეალიზება და აქედან გამომდინარე ზიანის ანაზღაურება, სამოქალაქო სამართლებრივი გარიგებების ბათილობა და საკუთრების დაბრუნება

### ს ა რ ე ზ ო ლ უ ც ი ო ნ ა წ ი ლ ი:










საქართველოს უზენაესი სასამართლოს დიდმა პალატამ იხელმძღვანელა „საერთო სასამართლოების შესახებ“ საქართველოს ორგანული კანონის მე-17 მუხლით, საქართველოს სამოქალაქო საპროცესო კოდექსის 399-ე, 372-ე მუხლებით, 257-ე მუხლის პირველი ნაწილით, 264-ე მუხლის მესამე ნაწილით, 408-ე მუხლის მესამე ნაწილით, 411-ე მუხლით და

### გ ა დ ა წ ყ ვ ი ტ ა:

1. ლევან ყარამანიშვილის, გიორგი ყარამანიშვილის, შპს „ტელეკომპანია საქართველოს“, ნინო ნიჟარაძის, შპს „ჰაიდელბერგცემენტ ჯორჯიას“ საკასაციო საჩივრები დაკმაყოფილდეს ნაწილობრივ;
2. გაუქმდეს თბილისის სააპელაციო სასამართლოს სამოქალაქო საქმეთა პალატის 2016 წლის 10 ივნისის განჩინება და მიღებულ იქნეს ახალი გადაწყვეტილება;
3. ქიბარ ხალვაშისა და შპს „პანორამა“-ს სარჩელი დაკმაყოფილდეს ნაწილობრივ;

4. გაუქმდეს შპს "სამაუწყებლო კომპანია რუსთავი 2"-ის (ს.კ. 211352016) პარტნიორების: ლევან ყარამანიშვილის (პ.ნ. 62001003710) 22%-ის, გიორგი ყარამანიშვილის (პ.ნ. 01025001809) 18%-ის, შპს "ტელეკომპანია საქართველოს" (ს.კ.206074291) 51%-ის და ნინო ნიჟარაძის (პ.ნ. 01009001438) 9%-ის წილების რეგისტრაცია საჯარო რეესტრში და შპს "სამაუწყებლო კომპანია რუსთავი 2"-ის (ს.კ.211352016) 60% წილის მესაკუთრედ ცნობილი იქნეს ქიბარ ხალვაში (პ.ნ. 61002000543) და 40 %-ის წილის მესაკუთრედ ცნობილი იქნეს შპს „პანორამა“ (ს.კ. 205033328);
5. უცვლელად დარჩეს წინამდებარე გადაწყვეტილების შესავალ ნაწილში მითითებული სააპელაციო სასამართლოს სამოქალაქო საქმეთა პალატის გასაჩივრებული განჩინების წინმსწრები განჩინებები;
6. მოპასუხეებს შპს „ტელეკომპანია საქართველოს“, გიორგი ყარამანიშვილს, ლევან ყარამანიშვილს და ნინო ნიჟარაძეს, ქიბარ ხალვაშისა და შპს "პანორამას" სასარგებლოდ, სოლიდარულად, დაეკისროთ სახელმწიფო ბაჟის სახით 5000 ლარის ანაზღაურება;
7. საქართველოს უზენაესი სასამართლოს დიდი პალატის გადაწყვეტილება საბოლოოა და არ საჩივრდება.

თავმჯდომარე:

 ნინო გვენეტაძე  
 მზია თოდუა  
 ვასილ როინიშვილი  
 ეკატერინე გასიტაშვილი  
 პაატა ქათამაძე  
 ბესარიონ ალავიძე  
 მზია ვაჩაძე  
 ზურაბ ძლიერიშვილი  
 გიორგი შველიაშვილი